

Alexandra, nit nur du

Quelle mit Übersetzung: www.bap.de

1. Et blicht länger hell jetz, obwohl et ess immer noch Februar.
Ne Winter he ess ausschließlich lästich, wie dä Matsch, dä als Schnie
uss schwere Wolke singe Wäsch nohm,
Tänzerinne, nevvebei, nur om ze stirve, he om lauwärme Asphalt,
Kamikaze en ner Stadt,
wo jede Hilferoof bloß unjehührt verhallt.

2. Mir fällt en Strooß enn, die vun Ostende bess Mekka,
quer durch Europa als E 5 führt, wigger woor ich noch nie,
trotz all dä Breefe, die ich jeschrivve
un nie affjescheck, doch für die du, " Entschuldijung! " Nohporto zahle mohts,
all die Eroll Flynn Visione, für jed einzelne däät sich et lohne,
Sensatione mein ich, nit Madame Toussaud.

Refrain:

Alexandra, jevv et zo:
Mancheiner föhlt sich he em Stech jeloofe,
Alexandra, nit nur du, nit nur du.

3. Du johvs mir Bruht un Spiele, Alexandra, ich weiß schon,
du föhls dich wie ne ussrangierte Weihnachtsbaum noh Neujohr.
Wie`n Apenisel ennesinn stund ich vüür dir, un Aug en Aug
kunnt ich dich lese wie e opjeschlaare Booch.
Et deit mir leid, dovun ze singe,
bloß op Dauer, Alexandra, wohr dat doch wohl nit jenooch.

- Refrain -

4. All Zeremonie, Beschwörung un Rituale,
ding Cohen Plaate, Jacques Brel Sampler un Spazierjäng em Rähn
dann die rührende Versuche, affzoschöddele die Tristesse,
die wahren aussichtslos , die braaten et wirklich nit,
denn eins ess secher wie et Amen : dat wo suvill Kirche stonn,
et hundert pro en ganze Hääd ze Bichte jitt.

- Refrain -